

*Rancere* videtur, quod Lexicographis barbaris etiam *Foetere* significabat.

## LXXVI.

- 66 Codex membraneus lat. Sec. XIII. Folior. 209. f. per duas columnas bene scriptus et miniatus continet *Radulphi Monachi Flaiensis Commentariorum in Leviticum Libros X. posteriores*. Exemplum Opus integrum complectens jam Cod. LXXIV. dedimus. Praesentis fol. 1. p. 2. *Incipiunt capitula libri undecimi*. Consequuntur etiam reliquorum Librorum Capita. Ad illorum calcem legitur: *Omne hoc opus XX. uoluminibus consummantur. Incipit liber XI<sup>us</sup>. De viro qui patitur fluxum seminis. Minus eruditus et negligentius intuentibus dum superficie scripture huius contenti sunt &c.* Finis Libri XX. *Hec sunt precepta que mandauit dominus moysi ad filios israel in monte synay.* Succedit fol. 204. p. 2. *Homiliane dicam in laudem Iohannis Evangelistae, an Exordium Commentarii cuiusdam in ejus Evangelium, cujus Autorem incassum per plurimorum PP. Opera venatus sum. Sequioris aevi partus videtur, Scholasticorumque jam formulis tinctus. Initium est: Vox spiritualis aquile auditum pulsat ecclesie. exterior sensus transeuntem accipiat sonitum. interior animus manentem penetret intellectum. Vox altiuidi uolatilis. non aera corporeum. uel ethera. uel totius sensibilis mundi ambitum super uolitantis. sed om-*

*nem theoricam ultra omnia que sunt. et que non sunt. citiuolis intime Theologie pennis. clarissime superque contemplationis. obtutibus transcendentis &c.* Graeca adtigisse autorem cum ex variis aliis, tum ex hoc loco patet: *In grecorum exemplaribus aytos scribitur. id est hic. et potest referri ad utrumque. ad uerbum uidelicet et deum. Hec quippe duo nomina. theos. et logos. apud grecos masculini generis sunt.* Per decursum *Dionysius Areopagita* citatur, disputaturque obiter contra *Manichaeos* et *Arianos*. Finis est: *quum ipse est fons et plenitudo gratiarum. ueritas symbolorum legalium. finis prophetarum uisionum. Cui gloria cum patre et spiritu sancto per omnia secula seculorum Amen.* Fol. ult. p. 2. sequentes Notae historicae manu vetusta, et magnam partem eadem, quae reliqua Codicis scripsit, adjectae sunt:

Anno domini M<sup>o</sup>. CC<sup>o</sup>. X<sup>o</sup> CI<sup>o</sup>. id. Julij ☉ Rudolfus rex rom.  
M<sup>o</sup>. C<sup>o</sup>. XC<sup>o</sup>. V<sup>o</sup>. Hainricus imperator apuliam subegit.  
M<sup>o</sup>. C<sup>o</sup>. XC<sup>o</sup>. VI<sup>o</sup>. Leupoldus dux senior obiit. (*Pulcher*)  
M<sup>o</sup>. C<sup>o</sup>. XC<sup>o</sup>. III<sup>o</sup>. Hainricus imperator in Apulia mortuus est.  
M<sup>o</sup>. CC<sup>o</sup>. I<sup>o</sup>. Albertus archiepiscopus salzburgensis obiit.  
M<sup>o</sup>. CC<sup>o</sup>. VIII<sup>o</sup>. phillippus rex occiditur.  
M<sup>o</sup>. C<sup>o</sup>. XXX<sup>o</sup>. Leupoldus dux Austrie et Styrie in Apulia obiit. (*Gloriosus*)

An-

Anno M<sup>o</sup>. CC<sup>o</sup>. XXXIX<sup>o</sup>. Fridricus dux Auftrie et Styrie vestitus est.

Anno domini M<sup>o</sup>. CC<sup>o</sup>. XLVI. in die sancti viti M. fridericus dux auftrie et Styrie uir *bellicosus* et semper uictoriosus in bello vngarico a quibusdam sine herede infideliter occiditur. quorum nomina cum fathan et dyabolo scripta sunt in libro tartareo. Amen. Anima tua o friderice! per misericordiam dei requiescat in pace. pax tibi fit christi! quia pax tu nostra fuisti. Amen.

Anno domini. M<sup>o</sup>. CC. XLI<sup>o</sup>. II. Non. Oct. facte sunt tenebre die dominica media.

Anno incarnationis domini. M<sup>o</sup>. LXXXVIII. Fridericus Imperator transfretauit. *Deficiunt anni C.*

Anno M<sup>o</sup>. C<sup>o</sup>. XC<sup>o</sup>. Phylippus rex et Richardus rex Francie (*Angliae*) et levpoldus dux Auftrie iherusalem tendunt.

Anno. M<sup>o</sup>. C<sup>o</sup>. XCIII<sup>o</sup>. Rich. rex Anglie Wiene capitur.

Anno. M<sup>o</sup>. C<sup>o</sup>. XC<sup>o</sup> VII<sup>o</sup>. Frid. dux auftrie ab accaron redit. (*Catholicus*)

Anno. M<sup>o</sup>. C<sup>o</sup>. XC<sup>o</sup>. VIII. Hainricus (*Emericus*) Rex vngarie auftriam petit et eam vsque Wiennam preda et incendio deuastrauit.

Anno. M<sup>o</sup>. CC<sup>o</sup>. phylippus rex occisus est. *Deficiunt anni VIII.*

Anno. M<sup>o</sup>. CC<sup>o</sup>. Regina vngarie (*Constantia*) occisa est. *Fabula.*

Anno. M<sup>o</sup>. CC<sup>o</sup>. II<sup>o</sup>. levpoldus dux auftrie nupcias celebrauit. (*cum Theodora graeca.*)

Anno domini M<sup>o</sup>. CC<sup>o</sup>. VII<sup>o</sup>. Andreas d Rex vngarie et levpoldus dux auftrie transfretarunt. *Deficiunt anni X.*

Anno domini. M<sup>o</sup>. CC<sup>o</sup>. XX<sup>o</sup>. Frid. Imperator transfretauit et iherusalem aduenit. *Deficiunt anni VIII.*

Hae Notae *Codicem* nostrum olim in *Austria* exaratum fuisse persuadent.

LXXVII. VIII. B. 6.

Codex membraneus lat. Sec. 106 X. Folior. nunc 56. f. per duas columnas scriptus, bonae notae sed fat adtritum continet *Commentaria in Libros Regum*, et alias, et hic etiam recentiore manu perperam *Eucherio Lugdunensi* tributa, ut ex rationibus liquet, quas alibi dedimus. Elenchus *Capitum*, qui singulis IV. *Libris* praemissus est, ante I. deperiit. Incipit vero hic Liber: *Regum Successiones post iudices quando Dauid saule reprobato coepit regnare incipiunt.* &c. Finit: *sed quid egerit pertinebit.* Initium Libri II. *Promissiones enim Dei quae factae sunt ad abraham* &c. Finis: *ad seruandam magisterii reuerentiam non recedat.* Initium Libri III. *Senuit Dauid ungiturque Salemon in regem super israel* &c. Deficit Liber hic in verbis: *et ipsa dedicatione prius completa.* *Nisi forte putandum est post — — Quae ver-*